

ուռչ կ'առնու մարդագլուխ: Եւ միաբանեալ
 ամենեքին՝ արք եւ կանայք, ծերք եւ տղայք, 5
 կարգաւորք եւ աշխարհականք, ոմանք իչով,
 այլք ճիովք, այլք հետիոտս. եւ իրիկունն հա-
 սանեն Սէյտի Մուսան, ուր Խարչիկ Մովսէս
 ճգնէր: Եւ անդ կայ քարէ այր մի եւ մէտրա-
 սա մի. եւ հոր մի հոտած ջրով. անդր իջաք: 10
 Եւ քանզի մեծ շող էր՝ տապեցաք զօրն ի բուն
 սաստիկ տապոյ արեգական. եւ սախիքն ջուր
 ածէին թասով երկու-երկու մանդր, զի Արա-
 սիստան ամէն մանդր կ'անցնի. եւ մեք ջուրն
 գնէաք, ըմպէաք եւ առաւել ծարաւէաք եւ 15
 սրտալակէաք, մինչեւ ցամաքեցան քիմք մեր
 եւ լեզուք չորացան, զի ջուրն դառն էր եւ
 աղի: Անդ տեսաք Սողոմոյ երկիրն, որ քա-
 բինք իբրեւ զփայտ կ'այրէին եւ կերակուր
 կ'էփէին. եւ էրածն սեւանայր, իբրեւ զգոր- 20
 ծելի դառնայր: Անդ տեսաք եւ զԾոփն անի-
 ծած, յորմէ դեռ ծուխ ելանէր եւ դարչ հոտ:
 Այլ եւ (տեսաք) քաղաքն Երիբովի. եւ իջեւանք
 կալաք ի Բեթփազէ եւ ի Բեթանիայ, ուր Տէրն
 զՂազարոս յարոյց. մտեալ աղօթեցաք: Եւ 25
 այլ յըրով ուխտատեղաց հանդիպեալ՝ երկրորդ
 օրն հասաք ի Յորդանան գետ: Եւ մերձ գե-
 տին էր Փորձութեան լեառն եւ վանքն Յով-
 հաննու, ուր աղօթէր, եւ տեղն ուր մկրտէր
 եւ առջին վանքն եւ այլ տեղիք բազում անա- 30
 պատաւորաց: Եւ գետն էր մեծ եւ սրբնթաց,

7 այլ: — 18 անտ: — 24 բեթփաբէ: — 26 սլով:
 — 31 սրնթաց: